

Bertso lehia puntu-puntu

Urriaren 20an hasiko da, Usurbilen, Gipuzkoako Txapelketako bigarren fasea

Gipuzkoako Bertsolari Txapelketako bigarren fasea urriaren 20an abiatuko da, Usurbilen jokatu den lehen final-laurdenarekin, eta bigarren fase horren xehetasunen berri eman zuen Gipuzkoako Bertsolari Elkarteak atzo Donostian egindako aurkezpenen.

JUAN LUIS ZABALA / DONOSTIA

Aldez aurretik iragarri bezala, 30 bertsolari lehiatuko dira, Gipuzkoako Txapelketako bigarren fasean, txapelaren bila. Hama-bost zuzenean sailkatu dira, 1993ko Txapelketa Nagusian parte hartu zutelako, eta beste 15ak lehen fasean lehiatu ondoren. Guztira bost final-laurden jokatu dira, eta bakoitzean seinak bertsolari ariko; horietatik 18 onenak seinaka lehiatuko dira hiru finalerditan. Finalerdietako azken inbutu estutik iraganda, zortzi iritsiko dira, azkenik, Donostiako Gaska kiroldegian abenduaren 17an jokatu den finalera.

Nahiz eta, 1993ko Txapelketa Nagusian parte hartu zutelako, bigarren fasera iragateko aukera zuzena izan, Anjel Mari Peña-garikano, Andoni Egaña, Sebastian Lizaso, Euzkitze, Jon Sarasua, Aitor Sarasua eta Joxe Mari Lertxundik izenik ez ematea erabaki dute. Kontuan izanik aipatutako zazpi bertsolari horietako lehenengo bostak orain arteko txapelketetan beti puntapuntan ibili izan direla, aurtengo txapelketa oso irekia izango dela dirudi, bertsolari ez oso ezagun batzuek ezustekoak eman ditzaten aproposa.

Aurpegi berri eta gazte ugari ikusteko aukera emango du Gipuzkoako Txapelketak. Hernani eta Tolosako bertso eskolen emaria da nabarmendu beharrekoa, gazteetako asko bi eskola horietan ikasiak baitira.

EZIN IZAN NAGUSIAREN MAILAKOA

«Nahiz eta bertsolaritzak Gipuzkoan beste inon baino indar handiagoa izan, Euskal Herriko txapelketa eta Gipuzkoakoa ez dira maila berekoak, bada bereizketarik bien artean», esan zuen Imanol Lazkano Euskal Herriko Bertsolari Elkarte (EHBE) lehendakariak atzoko aurkezpenen. «Euskal Herriko txapelketak nazional mailako kategoria du, eta tratamendu berezia horrenbestez. Gipuzkoako txapelketa, ahalik eta ondoen antolatzen saiatu arren ere, ez da inoiz maila berekoa izango».

Epaimahaian, lehen faseko bost epailez gain —Markel Arizmendi, Rufino Iraola, Felix Irazustabarrena, Antton Kaza-



Dena prest du Gipuzkoako Bertsolari Elkarteak.

ANDER GILLENEA

AZKEN-LAUDENAK

USURBIL

Eguna: Urriak 20
Ordua: 22.00
Lekua: Oiardo kiroldegia

Jon Eizmendi
Hernani, 25 urte

Iñaki Murua
Gabiria, 39 urte

Joxe Anjel Salegi 'Lizarreta'
Lastur (Deba), 29 urte

Jose Munduate
Ataun, 23 urte

Juan Mari Narbaiza
Eibar, 46 urte

Aitor Sarriegi
Beasain, 19 urte

ARRASATE

Eguna: Urriak 22
Ordua: 17.30
Lekua: Amaia antzokia

Bixente Gorostidi
Amezket, 22 urte

Alfonso Jimenez
Tolosa, 21 urte

Xabier Zeberio
Itsasondo, 46 urte

Jesus Iribar 'Oialde'
Zestoa, 39 urte

Jose Luis Urdangarin
Hernani, 23 urte

Iñaki Zelaia
Hernani, 22 urte

ZUMAIA

Eguna: Urriak 29
Ordua: 17.30
Lekua: Maria eta Jose ikastetxea

Juan Jose Eizmendi 'Loidisaletxe'
Errezil, 35 urte

Jexux Mari Irazu
Larraul (Asteasu), 23 urte

Jon Maia
Zumaia, 23 urte

Jon Garmendia
Urniet, 23 urte

Juan Mari Lopez
Oiartzun, 23 urte

Aitor Mendiluze
Andoain, 20 urte

ALEGIA

Eguna: Azaroak 1
Ordua: 17.30
Lekua: pilotalekua

Bittor Agirre
Legazpi, 59 urte

Andoni Larrañaga
Azpeitia, 21 urte

Jokin Sorozabal
Andoain, 28 urte

Mikel Aranburu
Beasain, 22 urte

Andoni Otamendi
Lasarte, 22 urte

Millan Telleria
Albiztur, 38 urte

ATAUN

Eguna: Azaroak 5
Ordua: 17.30
Lekua: Auzoeta kiroldegia

Unai Agirre
Hernani, 20 urte

Ibon Karrera
Elduain, 20 urte

Mikel Mendizabal
Itsasondo, 39 urte

Jose Ramon Elorza
Ormaiztegui, 32 urte

Maddalen Lujanbio
Hernani, 19 urte

Martin Rezabal 'Olaso'
Aia, 33 urte

FINALAURDENAK

AZPEITIA

Eguna: Azaroak 19
Ordua: 17.30
Lekua: Udak kiroldegia
Lehiakideak: 6

ERRETERIA

Eguna: Azaroak 26
Ordua: 17.30
Lekua: Udak kiroldegia
Lehiakideak: 6

ORDIZIA

Eguna: Abenduak 3
Ordua: 17.30
Lekua: Majori kiroldegia
Lehiakideak: 6

FINALAK

DONOSTIA

Eguna: Abenduak 17
Ordua: 17.00
Lekua: Anoetako Gaska kiroldegia
Finalistak: 8

bon eta Arantzazu Loidi—, beste bat izango da: Mikel Aizpurua, lehen fasean ordezkio izandakoa. Jon Iñaki Izarzelaiak ordezkio izaten jarraituko du, baina izango du beste lanik ere: txapelketako bertsorik onenak bilduko dituen libururako bertso hautaketa.

Bertsoa epaitzeko irizpideak lehen faseko bertsoak izango dira, Felix Irazustabarrena epaile eta antolakuntza talde teknikoko kideak adierazi zuten. Honela dio Gipuzkoako Bertsolari Elkarteak txapelketaz egindako txostenak arlo honen inguruan: «Errazen nabarmentzen den akatsa potoa den arren ez da bakarra, eta kontuan hartuko dituzten beste puntu garrantzitsu batzuk gaiarekiko lotura, euskararen erabilera, bertso barruko koherentzia eta kohesioa, neurria, errima, errejistro-kontua eta abar izango dira. Hala ere, akatsak zigortzen baino sormena eta meritua saritzen areago ahaleginduko da epaimahaia».

Gaijartzaile lanetarako jende gazteagoa bilatzen egindako ahaleginek ez dute fruiturik eman, Laxaro Azkune antolakuntza talde teknikoko kideak atzo azaldu zuten. Lan honetan ere, lehen fasean aritutakoez gain —Laxaro Azkune, Meltxor Legorburu, Joxepa Madariaga, Manu Olano, Mariasun Oteiza, Inaxio Usarralde eta Nikolas Zeberio— beste kide bat ere izango da: Sabino San Sebastian.

PLURALITASUN BILA GALETAN

«Gaiak prestatzean pluraltasun bila ari gara saiatzen», adierazi zuen Laxaro Azkune. «Dena den, gai mordo handia sortu behar da, eta senar-emazte, seme-alaba eta amoniloben aipamenik ere izango da tartean. Esango digute berriro ere familiako aipamenetara gehiegi jo dugula, baina irudimenak ematen diguna egiten dugu guk. Gainera, gure ustez kome-nigarria da bertsolariari inguru ezaguna ematea ere, horrek eroso sentitzen laguntzen diolako».

Aurkezpen lanetan ere gaijartzaileak ariko dira: Usurbilen, Inaxio Usarralde; Arrasaten, Mariasun Oteiza; Zumaian, Sabino San Sebastian; Alegian, Laxaro Azkune; Ataunen, Joxepa Madariaga; Azpeitian, Laxaro Azkune; Erreterian, Sabino San Sebastian; Ordizian, Joxepa Madariaga; Donostiako finalean, Joxepa Madariaga eta Laxaro Azkune.

Bertsolariek egin beharreko lana ere zehaztuta dago. Honako hauek dira gaijartzaile taldeak bigarren fase osorako prestatu beharreko lanak: 28 gai zortziko handian, 28 zortziko txikian, 18 hamarrekiko txikian, 4 sei puntukoan, 9 puntutan; 76 puntu, 41 oin eta bukerak bat; bakarkako gaiak, berriak, 24.

93.000 liburu berri aurkeztuko dira Frankfurteko azokan

FRANKFURT

Atzo zabaldu zen, hila-ren 16ra arte, Frankfurteko 47. Nazioarteko Liburu Azoka. Munduko azoka garrantzitsuenak inoiz baino liburu gehiago bildu ditu. Datuak honako hauek dira: 97 herrialdeetatik joandako argitaletxeek 8.900 erakusmahai zabaldu dituzte. 330.000 mila liburu daude salgai eta horietatik 93.000 liburutik gora berriak dira. Bitarteko elektronikoko liburuak ere badaude azokan, 1.200 erakusmahaitan barreiatuta. Pabilioi oso bat betetzen dute eta gehienak CD-ROM formatuko liburuak dira.

Austria da aurtengo protagonista. Hango literaturaren berri luze eta zabal emango du Frankfurten, horretarako 900 milioi pezetako (33 milioi libera inguru) inbertsioa eginik.

Aurtengo berrikuntzetako bat Hirugarren Munduko literaturari egin zaion lekuan datza. 'Iparra-Hegoa topaketa' deitutako jardunaldia antolatu da, Afrika, Asia eta Latinoamerikako literaturen berri emateko.

Heldu den urtean zabalduko da Kataluniako Antzoki Nazionalea

BARTZELONA

Kataluniako Antzoki Nazionalearen ustiapen kostua urteko 1.500 milioi pezetakoa (60 milioi libera) izango da, zentroko arduradunek herenegun agertu zuten. Josep Maria Flotats-ek zuzenduko duen zentroa heldu den urtean amaituta egongo da, eta bere eraikuntzan Generalitateak dagoeneko 6.000 milioi peza inbertitu ditu. Flotats-en bera- ren hitzetan Kataluniako Gobernuaren asmoa da, Katalunian «hedapen eta kultur zentro bat sortzea, Parisko Comedie Francaise, Milango Piccolo edo Londresko Shakespeare bezalakoa».

Antzoki Nazionalean konpainia finko batek jardungo du, eta erakutsiko den antzezlan zerrenda «unibertsala izango da». Obrak katalanez, gaztele-raz eta noizbait beste hizkuntzaren batean antzeztuko dira.